



5. marts 2010

UPA 2010/128

Inatsisartut Suleriaasianni § 35 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

Nunap tunisassiorsinnaanerata qaffassarnissaa siunertaralugu aalisartut, piniartut allallu akissarsiakiffiusuni sulisartut siunissami inuussutissarsiutinut iluanaarnarnerusunut ikaarsaariarnissaannut kajumissuseqarnerulersinniarlugit politikikkut suut suliniutigineqartariaqarnersut pillugit apeqquteqaat aallaavigalugu oqallinnissamut siunnersuut.

(Inatsisartunut ilaasortaq Niels Thomsen, Demokraatit)

Tungavilersuut

Matumanga apeqquteqaat aallaavigalugu oqallinnissamut siunnersuuteqarninni siunertaraara, inuussutissarsiutitoqqaniit siunissami iluanaarnarnerusunut suliffinnut qanoq iliorluta ikaarsaariartitsinissarput pillugu uagut qinikkat inuiaqatigiillu oqallinnissarput isummernissarpullu, siunertaralugu siunissami qaninnerusumi nunatta tunisassiornerulernissaa.

Piviusuuvog, inuiaqatigiittut angisuunik pissaganartunillu unammilligassaqaratta – unammilligassat, politikikkut isummerfigisariaqartut. Unammilligassaq qitiulluinnartoq tassaavoq naalagaaffiup tapiissutigisartagaasa nammineq isertitanik taarsernissaat.

Tunisassiorneq tassaavoq piffissami aalajangersimasumi tunisassiornerup inenera uuttuutigalugu tunisassiornermi sakkut atorlugit piffissami tassanerpiaq sulisimaneq. Tunisassiorneq allisinneqartarpoq, tunisassiornermi sakkut pioreersut atorlugit sulinerunikkut tunisassiat allisinneqaraangata imaluunniit sulineq taamaatsiinnarlugu tunisassiorneq anginerusoq anguneqarsinnaappat. Tunisassiorneq uuttorneqarnerusarpoq sulisartut tunisassiorsinnaanerata aallaavigalugu, taannalu naatsorsorneqartarpoq, tunisassiarineqartut agguaqatigiisillugit akunnermi ataatsimi tunisassiorneq aallaavigalugu.

Takuneqarsinnaasutut pineqaannanngilaq tamatta ataasiakkaarluta maannamut naleqqiullugu sulinerunissarput, aningaasarsiornikkut nammineernerulerusunnerput piviusunngortissagutsigut. Aammali pingaartorujussuuvog, sulisartut naleqarluartunik tunisassiornerissaat.

Piviusuusoq, ullumikkut inuussutissarsiornermi piniarneq- aalisarnerlu aningaasarsiornermi sukaammata, aningaasarsiornarup sinneranut sunniuteqarlutik. Inuussutissarsiutip pineqartup kalaallit nunaata aningaasarsiornaranut pingaarutaa takuneqarsinnaavoq ilaatigut sulisinnaasut tamarmik tallimararterutaat tassani sulimmata, avammullu tunisassiornerup 95-a ingerlataralugu.

Tamatumunnga ilanngullugu aamma piviusuuvog, aalisartorpassuit piniartorpassuillu akissarsiakitsuummata. Taakku ilarpassuisa allaat inuussutigineqarsinnaasut minnerpaartaat atorlugit napatinniarsaripput. Tamanna imminermini akunerineqarsinnaanngilaq. Tamaattumik piffissami matumanerpiaq inuussutissarsiummi taaneqartumik naleqqussaasoqarpoq, inuussutissarsiummi taaneqartumi napaniuteqartut ikilisinniarlugit. Aalisarneq pillugu



Ataatsimiititaliarsuarmut suliakkiissummi allaqqavoq, inuiaqatigiinni kalaallini pisuussutit uumassusillit sapinngisamik annerpaamik pissarsissutigineqartalemissaannut aalisarnermut inatsit tunngavisseeqataassasoq aammalu qulakkeerinneqataassasoq, aalisarnikkut inuussutissarsiutip ataavarluni iluanaarnarnerullunilu piujuarnissaanut, tamannalu piviusunnussappat allatut ajornartumik ikinnerusut aalisarnermik inuussutissarsiuteqalertariaqarput pisassiissutigineqartartut nikisinnagit.

Tamatuma kinguneranik unammilligassaq tullittooq tassaavoq aalisartuujunnaartut piniartuujunnaartullu suliffissaqartinniarnissaat. Tamannali tamatta ilisimasatsit ajornartorsiutaangilaq. Ullumikkut pitsaasumik periarfissaqarpugut, aalisarnerup iluani inuussutissarsiummi qerataluinnartumi, akisulluinnartumi pissusissamisuunnigsumilu suliffiit aatsitassarsiorderup, sanaartorderup, takornariaqarnerup immaqalu alumiiniuliorfiup iluani allanilu nunami suliffinnut soorlu kiffartuussinerup, angallannerup aningaasarsiorderullu iluani suliffinnut akissarsiarissaarnarnerusunut ikaarsaartissallugit.

Demokraatit sinnerlugit suliassat allaaserineqartut pillugit oqallinnissamut ilaseraassi siunertaralugu aaqqiissutissanik nassaarniarnissaq. Pingaarteqaarput iluarsissutissat tamakkiisut aammali imaassanngilaq sulliviit nutaat sulisartunik iluanaarutaasussanik tunisassiorunik atorfissaqartinneqartunillu tigooraaginnassasut imaluunniit inuussutissarsiornikkut iluarsartuussissasugut ataasiinnarmut isigisunik.

Demokraatiniik kaammattuutingaarput siunissaq ungasinnerusoq isigalugu pilersaarusiussasugut piumassuseqassasugullu tunisassiornerup tamakkiisumik siuarsarnissaanut aammalu eqqarsaatigilluassagippat ullumikkut sulisartuusut inuussutissarsiutitoqqaniit nutaanut ikaarsaariarnissaannut pisariaqartinneqartut pitsanngorsassagatsigit.

Taamatut oqarluta Naalakkersuisut akissuteqarnissaat kiisalu partiit allat saqqummiussassaak qilanaarluta utaqqissavagut.